

## Indicacións Técnicas PDA 2017/18

Estimado/a Sr./a. Decano/a ou Director/a de centro,

Dende o día **8 de febreiro ata o 1 de marzo de 2017**, estará aberta a aplicación PDA en <http://xescampus.uvigo.es> para a introdución de datos.

Debe, por tanto, acceder a dita páxina mediante o acceso personalizado. Unha vez no sistema, accédese á devandita aplicación mediante dous enlaces sucesivos chamados 'planificación docente' e 'planificación'. Unha vez no módulo, atoparase un buscador de plans de estudo. Vostede debe acceder a todos os plans de estudo vixentes no seu Centro, tal como se establece nos seguintes apartados:

### **1.-BUSCA DE ESTUDOS: Plan(s) de estudos de Grao:**

Debe seleccionar o curso 2017/18 e o tipo de estudo Grao. Na terceira casíña debe introducir un criterio de busca. O máis rápido podería ser introducir os tres primeiros díxitos correspondentes ao seu centro: No campus de Ourense os códigos empezan por O, no de Pontevedra por P e no de Vigo por V. Tamén pode utilizar o '%' e introducir una cadea de busca. Debe facer o mesmo para **todos** os estudos de grao que se impartan no seu Centro. Aqueles cursos dos plans de estudo en proceso de extinción, que xa non teñan dereito a docencia ou a exame, xa non aparecen na PDA.

### **2.-EDICION DO PDA.**

#### **2.1.- Obtención do informe previo.**

O procedemento mencionado no apartado anterior da acceso para cada titulación a unha páxina na que se listan todas as materias que teñen docencia nesa titulación e cada unha con dous enlaces, PDA e POD (de momento, este último inactivo). Ás veces, pode atopar materias que non pertencen ao plan de estudos, porque constitúen o primario dun grupo de materias. Neste punto é recomendable obter un informe que se atopa na parte inferior desta páxina, chamado 'informe de PDA', ben en texto ou ben en formato excel. Neste último informe, poderá atopar as materias do plan e as súas características de docencia, como por exemplo a área/departamento encargado, o posible desglose horario, se se trata dunha materia con docencia ou se esa docencia está agrupada noutra materia primaria, etc.

#### **2.2.- Edición do PDA de materias de grao.**

Na pantalla de "planificación" figura o plan de estudos de cada grao. Para facilitar o traballo, cando se dispón dela, mantívose a información correspondente ao curso 2016/17 (departamento, área, grupos e horas), sen que esta información sexa vinculante. Deberá modificarse obrigatoriamente o número de grupos e/ou horas nos casos nos que a porcentaxe de "Horas Presenciais" supere o 100% das horas como no seguinte exemplo:

Aprobación do PDA		
Neste apartado se mostran os datos necesarios para a aprobación da PDA.		
Datos actuais do estudo		
TMG	Horas Matriculadas	Horas Impartir
34,20	164.797,50	4.818,50
Datos obxectivo do estudo		
TMG Obxectivo	Diferenza	% Horas Presenciais
35,00	-110,00	102,34 %
A porcentaxe de horas presenciais non pode superar o 100%		

Unha vez coñecidos os datos anteriores, poderase obter o correspondente informe da titulación para facer as correspondentes simulacións. Neste caso, é especialmente útil o 'informe de PDA' en formato excel, xa que leva incorporadas as fórmulas precisas para o cálculo dos parámetros de estudo da titulación cara á súa aprobación pola COAP; é dicir, a porcentaxe de presencialidade, o tamaño medio de grupo (TMG), o número de ETCS matriculados expresado en horas (EHM) e o global de horas a impartir HImpart ou HTMG.

Lembre unha vez máis que nos cursos xa implantados a Xunta de Centro **pode modificar o departamento e área encargada, as horas e os grupos de docencia**. No caso do curso a implantar deberá, en primeiro lugar, designar o/s departamento/s e área/s encargado/s da docencia e, a continuación, as horas e grupos a impartir.

Unha vez dispoña dunha simulación válida para a titulación, deberá utilizar o enlace que atopará á beira de cada materia chamado PDA, e incluír as horas e os grupos de docencia, se non coinciden cos do ano anterior. Cando faga isto, o número que atopa baixo o epígrafe 'HorasImpartir' da figura anterior vai incorporando os novos datos do PDA, de xeito que ao final baixo o epígrafe 'Diferenza' estarán aquelas que o centro non utiliza para a elaboración da PDA.

Na figura seguinte pódese comprobar que o Centro do exemplo decidiu utilizar o 98,62% das horas, en concreto 5016,87 horas, polo que a diferenza é de 71.13 horas. Os valores antes en vermello son agora de cor verde.

**Aprobación do PDA**

Neste apartado se mostran os datos necesarios para a aprobación da PDA.

Datos actuais do estudo		
TMG	Horas Matriculadas	Horas Impartir
35,00	164.797,50	4.708,50

  

Datos obxectivo do estudo		
TMG Obxectivo	Diferenza	% Horas Presenciales
35,00	0,00	100,00 %

Unha vez aprobado pola Xunta de Centro, ata o **1 de marzo de 2017**, será preciso pechar a aplicación premendo o botón correspondente ('Aprobación PDA') que atopará na parte superior da aplicación. A partir deste momento non se poderán facer mais modificacións, agás que sexa aberto un novo período para facer os cambios que recomende a Vicerreitoría ou solicite a COAP. A 'Aprobación PDA' afecta a **todas** as titulacións do Centro, así que debe facer isto ao rematar o PDA de **todas** as titulacións de grao que se impartan no Centro.

Para calquera dúbida ao respecto pode dirixirse á directora de área de grao, Noelia Vázquez no enderezo [direc.grao@uvigo.es](mailto:direc.grao@uvigo.es) ou ben nos teléfonos (986) 812039 - (6473)43351.

Vigo, 8 de febreiro de 2017